

交如影響、有夏多罪、天命勦絕、宋景修德、妖星退舍、學也祿在其中、不生當建學、文王憂勤損壽、非初值空亡、長平坑隆卒、非俱犯三刑、南陽多近親、非俱當六合、曆陽成湖、不共河魁、蜀郡炎火、不盡災厄、世有同建與祿而貴賤殊域、共命若胎而夭壽異科、魯桓公六年七月、子同生、是為莊公、按曆歲在乙亥月、建甲則然、值祿空亡、據法應窮賤、又觸句絞六害、借驛馬、身剋驛馬、三刑法無官、命火也、生當病、鄉法曰、為人尪弱矬陋、而詩言莊公曰、猗嗟昌兮、傾而長兮、美目揚兮、巧趨踰兮、唯向命一物、法當壽而公薨、止四十五、一不驗、秦莊襄王四十八年始皇帝生、以正月故名政、是歲壬寅正月、命借祿、於法無官、假得祿奴婢應少、又破驛馬三刑、身剋驛馬、法望官不到、命金也、正月為絕、無始有終、老而吉、又建命生法當壽、帝崩時不過五十、二不驗、漢武帝以乙酉歲七月七日平旦生、當祿空亡、於法無官、雖向驛馬、乃隔四辰、法少無官、老而吉、武帝即位年十六、末年戶口減耗、三不驗、後魏高祖孝文帝生、皇興元年八月、是歲丁未為借祿命與驛馬三刑、身剋驛馬、於法無官、又生父死中、法不見父、而孝文受其父顯祖之禫、禮、君未踰年不得正位、故天子無父、事三老也、孝文率天下以事其親、而法不合識、父、四不驗、宋高祖癸亥三月生、祿與命皆空亡、於法無官、又生子墓中、法宜嫡子、雖有次子當早卒、而高祖長子先被殺、次子義隆享國、又生祖祿下、法得嫡孫、財若祿、其孫劬濬皆篡逆、幾失宗祧、五不驗、

〔下學集〕

五月子不養言五月子必害父母云孟嘗君也雖五月生位至高其母為辟公而長生矣由是視之則五月子非不祥也見史記

〔大鏡序〕たゞ我は子うむわざもまらざりしに、まうの御つかひにいちへまかりしに、又わたくし

にも、せに十貫を持って侍りけるに、にくげもなきちごをいだきたる女の、これ人にはなたんとらんおもふ、子を十人までうみて、これは四十たりの子にて、いと五月にさへむまれてむつかしきなりといひ侍りければ、此もちたるせにかぞへてきにしなりと、

〔論衡六〕福虛篇略○中

齊孟嘗君田文、以五月五日生、其父田嬰讓其母曰、何故舉之、曰君所以不舉、五月子何也、嬰曰、五月